



初天集引

今上之庚申

旭

彈劔入都門

是時安丘

曹公實菴

掌勅綸扉與新城王學士商丘朱比部予里施侍

讀日事酬唱文酒過從殆無虛日

旭

以布衣晚學

得執橐鞬以從事左右諸鉅公皆不以旭爲不肖

而引之同聲之末未幾公丁內艱去

旭

以嬾拙不

善趨走非京雜所宜遂濩落歸江表至今歲丙寅

不覺歷有七稔矣公仍以內閣隨牒出貳新安新

安宛陵接壤地也私幸卽可追隨如七年前蒞任

甫十日卽奉檄北發

旭

竊自審萍踪莫定東西南

此難必相從快快者久之春杪偶客沙城爲歛中  
諸子約遊黃山探幽問政適公雙旌初返歡然相  
對猶如曩年京雒時因得捧讀其朝天一集高蒼  
清勁一往情深噫何感而多風也然公之著作故  
爲薄海所頌述茲固無容深道獨計七年前燕臺  
文物之盛雲集颺舉固不止于前數公者卽數  
公而論侍讀已往比部分憲潞河學士旋里善病  
昔之懽遊讌好者一別如雨天街攬轡之餘能無  
慨於今昔之殊耶然以公之才望道德自當雍容  
侍從他日秩滿丙召重經徃路土風民命何一

非入告之具東南赤子又將翹首俟之安知新城  
商丘不還與我公同朝鼎立膺鹽梅舟楫之寄哉  
處野人也不敢忘疇昔之雅故因序及之宣城袁  
啓旭篋

朝天集

北海曹貞吉實菴著

過暈嶺

蜀道天下奇。千盤矗雲表。不緣五丁鑿。何由露天  
 巧。新安山水窟。茲嶺當戶遶。一綫通混茫。百折愈  
 幽悄。人行雲氣中。路出羣峯杪。谿谷窈深黑。冥濛  
 神所保。絕壁翠紅交。僊人紛羽葆。豈惟勞心魂。實  
 乃亂昏曉。健足追猿猱。排空接飛鳥。便欲陵長風。  
 俯覽抒懷抱。

三谿

兩峯倏焉合一水奔而赴似髮通羊腸此走金陵  
路陰厓疑鬼神遑辨朝與暮鐵壁聳千仞斧痕隱  
然露題字久剝蝕修名信難據緬惟洪荒初氤氳  
元氣聚山川自盤鬱梯航那得度削鑿始何年混  
沌傷其故雄關峙絕巔一夫儻可拒王公重設險  
屹屹金湯固我來值長至天風正號怒濃翠沾衣  
裳霏霏作薄霧一月兩經過能無臨深懼何必九  
折坂王陽始畏馭

雪中作

王事那辭瘁念此徒旅艱山行四百里筋力儻已

江南飽煙雨流水聲潺湲長歌泥滑滑肩我上  
嶺吼昨夕雨脚收私幸后土乾出門卽修途大雪  
何漫漫酸風射兩眸步履憂蹒跚羣峯峙玉屏咫  
尺成奇觀采石尤奇絕粉本金碧山與臺氣已盡  
何以陵高寒客子擁短裘尙慮肢體單矧彼無衣  
人安能涉千盤頓軛三太息黽勉謀朝餐

趙秋谷日老杜發  
秦州諸篇起法

清流關懷古

大尉躍馬萬人敵宋祖金戈揮白日堅壁青山未  
肯降偏師忽繞羊腸出滁州西澗水淙淙排空直

下千艤。腫背城一戰。遽成縛。蕭然敗。籜隨秋風。旁  
午羽書飛。似雪淮甸已無唐。日月王氣全歸夾馬  
營。煙波一葦堪愁絕。不見江頭片甲還。宮中猶唱  
念家山。花壓闌干春草碧。誰念沙場刀箭瘢。

秋谷日每讀溫飛卿後主荒宮有曉鶯飛來只  
隔西江木以爲叙亡國敗軍而涉筆之妙如此  
此篇殆進于古人矣

### 磨盤山感懷

山以磨盤名思之。杳難測。幾經登頓。勞始悟谿谷  
迫坡陀。不可窮嶺橫。而峯側我亦學。蟻行旋轉如  
通陌。懸厓危石崩。空林野燒黑。月落鷓鴣啼。客子

愴魂魄。余本懶慢人。今年苦行役。雞肋何足珍。羈  
繼行當釋。

秋谷曰森然如奇鬼

### 論史

長淮之南北。千古帝王宅。豐沛初發祥。濠梁亦奮  
迹。亭長羅八荒。布衣提三尺。彭城項王都。下邳寄  
奴蹟。礪碭賊朱三。一時屈羣力。產茲數英雄。山川  
必靈秘。一望亘荒煙。不見風雲色。始知異人生。不  
盡在都邑。宇宙始屯蒙。雲雷開草澤。肇造每艱難。  
乃受開成責。畢郢及諸馮。越在東西國。利遠則志

定心勞。則智出不聞。逸德人能。翺開天績。懷古發  
長謔。聊以送寒日。

秋谷曰使轉縱橫筆  
如截鐵持論亦正

### 渡淮水作

客心趨北闕。淮水共湯湯。江漢分流去。朝宗道路  
長。橋浮通馬驛。岸闊見漁梁。小市人聲襍。渾疑到  
故鄉。

過淮驚野闊。入望盡平疇。山勢遠趨海。天形圓作  
漚。飛蟲迎暖日。水鳥沒清流。去國無多日。還來觀  
九旂。

### 途次遇李華西率然有贈

青門折柳處。躍馬學從軍。慣識風雲色。曾穿虎豹  
羣。師臨清渭度。符向嶺頭分。辛苦十年事。蓬踪又  
見君。

奏最君無愧。飄然過嶺船。那能載廉石。自愛酌貪  
泉。雨雪王程迫。艱難我輩先。同人今幾在。遙憶鳳  
池邊。

### 符離潰

魏公主戰不主和。始終一節無偏頗。用兵非長古  
所忌。武侯猶乃煩譏訶。德遠未能了此事。東湖老

子先機多。富平敗。由都統死。淮西叛。始將軍苛。符  
離一潰。遂塗地。百萬夜散。迴雕戈。生靈喋血。那介  
意。如雷鼻息。寢以訛。心學若此。良不惡。申息父老  
將如何。嗚呼申息父老將如何。至今功德還魏叢。

汪蛟門曰  
以史爲詩

口號四首

牛火烘爐也。便溫老翁擁絮。自當門笑。余何事衝  
風去。豈少農書課子孫。  
鹿眼疎籬接短墻。一雙烏犍晒殘陽。自憐垂老貪  
爲客。數頃山田已就荒。

寒風掠歲物。皆靜雪意垂垂濃。復濃。農住江南四  
十日。却來淮北閱深冬。  
五十行年也。合休崎嶇京洛。更何求世間果。有重  
來客。貪看桃花兩度遊。

彭城懷古五絕句

穆滿巡遊事已非。白雲黃竹尙依稀。徐方若也無  
兵氣。駮耳瑤池竟不歸。

劉項當年紛逐鹿。重圍如暈鬪兵稀。真人不處尋  
常事。作底鴻門却放歸。

宋公揚袂攬羣材。劍槩風雲江左來。九日登高曾

戲馬于今收豎識荒臺

妙舞清歌關盼盼英雄卓犖張徐州繁華過眼如  
飛電何處春風燕子樓

蘇公作賦黃樓上賓從風流自一時惆悵斯人千  
載上茫茫逝水去安之

蛟門曰真放

翁論古手

### 入嶧縣界

陽回驚歲晚客到似殊方旅食真無味長吟自不  
妨途窮廻野火水阻悵漁梁地接龜蒙氣人同鄒  
魯鄉風寒初割面露冷久沾裳浹社長湖側柴車

古驛旁虎符方伯重蒲壁小臣將政後塗山會還

賡天保章

蛟門曰短  
拼自勁

### 忽見倣劍南體

忽見山形喜欲狂寧知千里隔渠陽家貧年尾難  
償債兒病床頭自檢方夢覺蘧廬終幻劇舟浮竹  
葉且徜徉吾生偶爾同萍梗不必青州是故鄉

### 過滕縣見行井田處偶成

孟氏祖仁義不類縱橫人憑軾說齊梁志在安斯  
民發論實崇閎河漢驚庸君儻學儀衍輩得無西

入秦泰山自巖巖功利寧侈陳小扣則小鳴不陋  
滕主臣壤地五十里祿制田以分眉臚貢助徹掌  
指周夏殷維時轍雖東良法未全湮經界犁然正  
溝涂一一新安知三代後不睹黃農淳所苦鋒鏑  
交咫尺偏強鄰待爾井田成白骨哀青燐君子道  
其常但使吾說存王道無近功成毀安足論

蛟門曰議論詩全以

氣勝而練句尤極老

秋谷曰皇皇大章

筆氣亦極老橫

### 途次和鄭瑚山韻

白雲紅樹伴孤征歲暮翻爲執玉行敢以蓬蹤悲

去任聊從馬足論功名乘車戴笠當年約濁酒黃  
雞我輩情溫室青蒲眞咫尺西風遮莫太寒生

### 題昭君故里

明妃自有村知在歸峽裡云何督亢陂乃有王嬙  
里置之勿深論姑與言其理嬙也薄祜人入宮非  
得已青塚與黑江遭逢正爾爾丹青良誤身虛名  
安足恃我來值歲暮驅車經小市趁墟多老嫗蓬  
頭而歷齒或爲登徒妻或爲玉川婢爾曹值太平  
婚嫁自桑梓阿儂織流黃阿郎勤耕耔賣布買銀  
釵買粟置酒醴團圞楮柑爐笑語燈窻底兒女互

朝九集  
提攜飲食足清旨以視上馬裝險夷真倍蓰敢告  
山川靈無爲生彼美

蛟門日不必深辨

但以議論寓慨

秋谷日氣體

逼真坡公

臘月念三日同人偶集僧舍和蒼石韻

重到青門閱歲華全刪春蚓與秋虵終輪齊客能  
祠竈不信瞿曇却有家殘臘渾如金欲盡韶光那  
似酒難賒竟須爛熳酬今夕燭蕊纔開三兩花  
十年側理共金華壁壘俄開辨鳥蛇星使重來惟  
黃酒蘧廬三宿便爲家霜天寂歷鈴聲苦珠斗闌

干月色賒強欲從君可凍筆可憐賦不到梅花

不寐

不寐緣何事鈴聲引夜長相輪鳴替戾棧道訢郎  
當鴈叫江天闊蛩吟砌草荒一般搖落意況復在  
殊鄉

大風過涿鹿

客子遠行邁駕言還江鄉驚風盪沙塵白日藏曦  
光滂泱朱龍河似箭流湯湯此地舊霸國軒轅古  
戰場荒哉十里霧使我徒旅傷安得指南車庶同  
飛鳥翔

蛟門日雄  
健自喜

三家店壁間讀阮亭先生題詩有感

崇朝苦驚颺日暮神弗揚塵土上鬚麋行李無輝  
光土銚引我睡四壁垂星苾輪困劈窠書署字爲  
漁洋起坐乃更讀金薤何琳郎史公刺客傳處士  
易水章筑聲未銷歇羽歌正激昂一唱而三嘆讀  
之心焉傷隔歲秋風高吹我去江鄉匆匆數語別  
離緒毒中腸一此復一南譬彼鴻鴈翔先生賦歸  
來乃在堊室旁臥病遂經年雞骨尙支床倦懷不  
能寐負手巡簷廊珠斗橫闌十金柝驚琅璫疲馬

齒南榮昏燈掛東墻何時魯連波巾車共徜徉

蛟門日勁敵在前  
壁壘那得不整

趙北口三首

西。澱。年。來。春。水。平。鷓。鴒。鳧。各。春。聲。孤。帆。怕。向。蠡。  
吾。去。細。雨。斜。風。空。復。情。

春陰漠漠閉深龕鷗語蓮香路舊諸橋下數聲歛  
乃急重尋旅夢大江南

咫尺菰蘆望渺然魚床掩映水雲偏分明記得經  
行處鶯脰湖邊鴨嘴船

蛟門日三詩  
丰度超絕

拜董子祠

公孫曲學譏千古董相昌言重一時客子風塵憔悴絕摳衣還拜廣川祠

三策天人動漢廷江都謫去嘆沈冥武皇事事堪惆悵豈獨金門失歲星

六籍依然出劫灰玉杯繁露見奇才如何也學長沙傅一弔湘纍更不回

蛟門日議論絕句如此乃妙

雨發富莊驛

青陽倏已分修涂正迢遞畿南五百里身過卽夢

寐連朝雲族會入夜雨聲至驚風撼老屋屹屹懼顛墜庭憂百川灌床疑一葦繫我馬旣虺隤我僕亦憔悴遂成一日留王程嘆濡滯駕言出荒村雨脚森垂地漑漑溝澮盈滄滄流沙細依稀浯汶間不覺鄉井異衝泥走羊腸咄咄風塵吏

漫河苦雨和靳熊封壁間韻

斷雲橫野岸積雨妬春陽澗道堪浮馬神工欲化羊城荒存霸國岸闊認漁莊顛倒衾稠臥誰能憇隱囊

雨後行德水道中

好雨及春半。初晴氣窈冥。林光凝淺碧。天色界空青。  
路入齊封古。雲生岱嶽靈。衝泥行未遠。莫滯使臣星。

縱橫皆積水。莫辨九河流。勢欲浮牛馬。懸知下鷺鷥。  
雲猶屯北陸。耕已徧西疇。麥隴含朝爽。蘄蘄入故丘。

路入平原見麥苗甚茂喜而賦之

青青肥麥甲。一雨驗農祥。已覺粘天碧。行看覆隴黃。  
身勞思稼穡。宦薄望倉箱。何必登場日。纔聞餅餌香。

平原懷古

張祿丞相初封侯。秦王大索魏齊頭。故人雖在誼不出。  
平原志節凌高秋。布衣言歡閉函谷。十日之飲翻百憂。  
虞卿金印若脫屣。相攜直下夷門遊。夷門公子緩郊勞。  
坐令逋客揮吳鉤。廁中朽骨有變化。蜥蜴不斬爲龍虬。  
望門投止竟何益。六州不鑄雙青眸。嗚呼英雄作事立。  
頑懦酒澆絲繡無時休。人生要自有緩急。區區成敗安足謀。

禹城道中和壁間韻二首

洲邊幾點白沙鷗。籬下一雙烏犍牛。駘蕩東風吹

不歇。淡煙芳草入齊州。  
幾處飛虹。幾道泉。一庭杲日。一林煙計。程淮上。逢  
寒食。跼跼風前墮紙鳶。

齊河道中望泰山積雪

岱宗高峩峩。鴻濛闢靈境。陰崖六月寒。冰雪常耿耿。  
耿僊人赤脚遊。蹴踏層峯頂。而我塵中人。瞻言但  
引領。滉漾海水潮。縹緲峨眉嶂。影羣帝。翳白鳳。微茫  
露光景。霓旌曳流輝。素女明粧靚。蕩瀟瀟。雲氣會颺  
颺。天風冷。及茲目一豁。明發陟遐嶺。

長城舖

七維昔雲擾。屹屹各守邊。茲地畫東秦。長城防未  
然。連山走溟渤。一髮窮青天。嗟彼築城人。白骨埋  
荒煙。柝聲達楚趙。王業當千年。云何松間餓。曾不  
崇朝焉。在德不在險。持論寧非賢。

老生之恒談。強秦築長城。下流苦難居。祖龍受惡  
名。維時燕趙齊。設險各相仍。塹山而堙谷。萬杵聲  
砢訇。既非役鬼工。曷由不日成。老弱疲轉輸。丁壯  
困棘矜。天心惡殺伐。匹婦通精誠。所以杞梁妻。噉  
然輒使崩。王者守四裔。仁義爲甲兵。居中。大無外。  
蕩談天堦平。豈學斗筭人。區區若挈餅。

宿泰安和壁間韻

上巳山行倦，閉來住草廬。苦塗攤飯後，幽夢下簾  
餘。斲藥長鑱柄，扶藜秃尾驢。鐘聲翠微發，隔水見  
樵漁。

鴻濛畱與府，天地闢精廬。風雨秦松在，云亭漢禪  
餘。神巫還擊鼓，山客盡騎驢。齒齒汝流石，差堪着  
老漁。

青冥望不極，何處是吾廬。薄俗褰裳慣，鄉心說餅  
餘。腹盈嗟鼯鼠，技盡笑黔驢。想像桃花發，金溝正  
可漁。

憶昨一麾出，承明念舊廬。行踪飄泊極，朋輩歿生  
餘。練水還浮棹，黃山穩跨驢。桃源杳何許，一訊武  
陵漁。

望徂徠有懷石守道先生

驅車徂徠下，亂石紛坡陀。元氣自氤氳，千古無磷  
磨。緬惟石守道，讀書秋澗阿。和鳴韓范歐，接跡金  
鸞坡。四賢一不肖，持論高峩峩。慶曆聖德詩，遂激  
清流波。彥國亦偉人，乃有鬼怪訶。饑烏噤無聲，柰  
彼人國何。

送次口占

輕煙漠漠人狙狽麥隴悒悒斷繡開水碧沙明認  
鄉土亂流真渡汶河來  
夕氣空濛乍結陰絲絲圍柳變春禽短衣騎馬荒  
山路擁鼻誰成梁父吟

熬山

青天削芙蓉片片垂嵐光連宵魂夢清引入山水  
鄉登頓不辭勞拾級陟崇岡絕壁青紅交恠石苔  
蘚蒼馬夏大手筆金碧亦鋪張宜此宅神明風雷  
開混茫玉帛走河朔岳瀆儼分行岱雲西北來龍  
氣森然京靈旗與風馬陟降殊非常空冥仰無極  
鸞鶴紛紛翔渺矣汶河流荒哉新甫疆日暮騎馬  
回濃翠沾衣裳

蒙山出雲歌

新安黃海天下奇東蒙出雲差似之我來恰當春  
暮時上巳已過清明遲萬山一氣無端倪如馬如  
日不可知絳衣掩映何葳蕤化爲蒼狗空中馳欲  
行不行司者誰欲斷不斷微風吹陽氣鼓盪驚躩  
踞縱橫列缺兼王覲入荒霖雨天無私我聞貝闕  
光陸離天吳海若夾水飛蜃樓閃爍千虹蜺城郭  
人物靡不爲闔婆隱現波瀾瀾觀河而皺悲酸嘶

我有大腹一鴟夷。竟須引滿金屈卮。醒來紅日窺東籬。

蛟門日縱橫變  
幻神似東坡

山民嘆

軋軋機聲徹曉催。機聲未盡剪刀裁。問君何事匆匆極。長吏新膺上考來。  
風吹槲葉半林霜。新葉抽萌舊葉黃。似蟻春蠶難作繭。官家早晚又開倉。  
如掌山田蔓草青。兒童菜色婦鳩形。不辭努力躬耕去。里正勾人到縣庭。

天行人事兩堪悲。鞭朴難勝軀命危。今歲社錢還倍出。循良要勒感恩碑。

泪墮邨邨各有碑。兎園老子手如提。鴻濛削鑿山靈笑。何用磨崖大筆爲。

木皮爭似草根香。婦女攜籃似采桑。聞道帝城寒食近。踏青挑菜一時忙。

蛟門口此等絕句  
亦惟蘇陸有之

過疏太傅故里

疏傅歸來日。黃金滿橐裝。差堪具牛酒。何暇問田莊。聖主恩能厚。儒臣道有光。古今誰勇退。高節屬

吾鄉

人等抽身好先幾見獨微漢家重古法太子失英  
威自是殷憂切誰云止足非試看著長倩咫尺蹈  
危機

薄俗艷圭組驚傳早拂衣黃塵千騎散白髮兩人  
歸沂水東流急瑯琊夕照微宣元陵廟盡茲事尙  
依稀

郟城道中作

山行良已疲振策遵平陸淡沲沂水流粼粼上睂  
綠頓軛問宮亭老柳幾枝禿此地困陽侯驚濤捲

茅屋苔壁繡龍蛇彷彿波痕蹴老稚繞我車塵土  
堆面目鶉衣不掩肝穀食那盈腹晝則學寒號夜  
或如鷺宿安得萬間屢使汝歡顏足安得紅朽舍  
使汝元氣復安得纏樹繒使汝美衣服安得金錯  
刀使汝充笥簾哀哉復哀哉斯人信笑獨

過峒嵒馬上口占

此地勾吳戰壘開餘皇三肄楚江隈爭桑女子渾  
閒事白日旌旗入郢來  
六朝列戍古鍾離折戟沈沙千載悲惟有女郎題  
筆處春風開遍野棠枝

下相懷古

黃河東注項王城。慘淡風雲指顧生。草草鴻溝盟  
楚漢。匆匆戲下失韓彭。艱難亞父縱橫策。辛苦勾  
吳子弟兵。遺恨九原六州鐵。不畱神武鎮咸京。  
旗懸卿子冠軍頭。誰道荆人似沐猴。救趙已收三  
豎子。入關新劫五諸侯。乘時江左英雄色。落日陰  
陵感慨秋。亭長艤舟堪共濟。中原何必盡歸劉。

蛟門曰雄健  
有嘍借風

寒食

見烏啣紙心驚寒食來河邊。一杯土寂寞野花

開。婦子流離甚。輸君在夜臺。棠梨今夕雨。霑灑爲  
誰哀。

媿我爲人子。真成汗漫遊。何時一盂飯。澆向故山  
頭。雞肋知無益。蓬踪苦未休。長河如箭急。嗚咽自  
東流。

青山懷古

江上巋然矗一丘。蕭蕭蘆荻淡生愁。自憐白髮爲  
司馬。猶向青山弔故侯。折戟沈沙成往事。靈風夢  
雨定千秋。將軍戰死關天運。莫作胥濤撼石頭。  
姑熟道中禱咏

麥光浮翠菜花黃好雨絲絲入曉涼怪是荷錢纔  
出水風來已自作蓮香

畫圖最愛吳裝好淺絳深藍次第開一幅河陽小  
平遠行春誰駕筍輿來

紫髯東下亂流腥夢日城邊樹色青野闊於今無  
戰壘夕陽何處玩鞭亭

三千歌舞宴崔嵬宋祖凌歊舊有臺不及青山一  
抔土亂雲生處使人哀

跋朝天集後

治荆北鄙豎儒鮮識文義然頗樂從四方君子  
遊如今之郡司馬實菴曹公非平日所欲望見  
顏色而未得者乎自承乏來歎未踰年公以內  
翰膺分府

命治荆得從屬員之末接覩丰采當卽蒙公不以  
俗吏相視勉之以政術淑之以風雅諄諄如也  
是年輯瑞期近公尋奉蹕入

覲雨雪往而楊柳還於其塗次所經歷京邸所興  
懷共得詩若干首題曰朝天集志爲

王事勞非無故而行也 治荆以公謬謂龔知學吟  
得於自公之暇虔奉以讀而公忠愛纏綿之情  
文章政事之槩悉於斯乎見之矣豈嚶鳴小言  
所可同日語者哉公或者不惜提命俯而教之  
則奉是編以周旋又何能自已也康熙丙寅夏  
五武密斲 治荆敬跋



